

徂徠石先生文集

卷一之四

卷之四

序

石徂徠集二十卷南宋初曾有雕本迄今七百餘年矣
余所見凡數刻皆非全帙甲申來歷下適及門張君次
陶藏有明人影鈔本尙爲完書懼其久而散失也爰與
二三同志醵金付梓卷內行款一仍明鈔之舊惟末增
附錄一卷刊旣成問序於余余披讀之餘若有激發於
中而不能自己者遂爲之序曰儒者著書立說旣欲明
王道談仁義以立萬世標準而其指陳時勢大抵皆一
時忠君愛國之隱所激而成後之人讀其遺書往往低
徊反復至於感激涕零而不能自己則以古今來家國

時勢之變不甚懸殊而所謂忠愛之誠則一而已矣宋
初承五季晦盲之餘正道錮蔽邪說縱橫學士大夫滅
棄聖經舉世毫不爲怪徂徠先生獨憂之於是著怪說
中國論以闡釋老及時文且曰去斯三者然後可以有
爲夫先生之學不獲用於時其發憤作爲文章亦第託
之空言耳而論者謂有宋道學之傳上承洙泗下啟洛
閩俾堯舜禹湯文武周公孔子之心法燦然復明於世
實自先生倡仁義闢邪說始然則先生維持斯道之功
顧不偉哉蓋嘗論道德文章有國家者之元氣也時文
之尚浮靡與異端之肆無忌憚則剝蝕元氣者也世之

將治有豪傑出斯二者在所必斥否則因循姑息上下
相蒙日復一日而不知伊於胡底風俗由此覘升降人
心由此驗敬肆世運國祚由此卜盛衰其機甚微而其
禍甚大非深識遠慮之人其孰能知之噫先生一時之
言實萬世之龜鑑而當其時以挺特不撓之節毅然以
天下是非爲己任分別忠佞指斥當途乃幾罹媒孽中
傷之禍於身後嗚呼其受謗深者其發光必遠其發光
遠者其流澤必長士君子具忠君愛國之忱處江湖則
憂其君立廊廟則憂其民至性至情古今同轍三復斯
編未有不奮然興起者也若夫百世相感如將見之至

於掩卷低徊流連而不能自己則所以希先生之光而承先生之澤者必更有在是集之傳豈僅爲論世知人考訂文字之助已哉

光緒十年春正月濰後學王之翰謹序

石祖徐先生像



南通州徐宗幹原藁諸城尹彭壽重摹

斯文壹厥縣延洙泗
集堯舜凱後祖棣關
程朱之前以先生而
俎豆乎宮廡其誰曰
不然

濰縣後學張昭潛敬贊

徂徠石先生文集總目錄

宋頌九首 并序

宋頌

皇祖六章二章八句一章六句三章四句

聖神四章一章四句一章八句一章七句一

章六句

湯湯三章章八句

莫醜四章章六句

金陵二章章八句

聖文三章章十句

六合雷聲六章章六句

聖武三章章十句

明道十一章二章八句

四章六句五章四句

慶歷聖德頌

卷第二

古詩

汴渠

麥熟有感

讀詔書

待士熙道未至

赴任嘉州嘉陵江泛舟

三豪詩送杜默師雄南山贈孫明復先生

寄永叔

南霽雲

贈張績禹功

西北

贈孫先生

寄李縕仲淵

送李生謁張侯
勉富春先生

送路遵謁孔宣公
過魏東郊

蜀道自勉
聞子規

哀隣家
送趙澤

觀碁
贈劉中都

卷第三

古詩

感事
送張革從道謁干乘縣

田祕丞
送范曙赴天雄李太尉

辟命
安道登茂材異等科

寄明復熙道

詔下勉諸生

感興

又送從道

寄北京密直杜公

偶作

詔罷縣令舉

植萱

贈李常李堂

愛日勉諸生

閑興

過潼關

勉師愚等

寄弟會等

五月十日雨

送李堂病歸

三子以食貧因於藜藿爲詩以勉

蜀地多山而少平田因有云

彼縣吏

蝦蟇

劉生病歸

久旱

永伯仲淵在獄作詩傷之

送進士高樞拱辰

讀韓文

卷第四

律詩

讀石安仁學士詩

寄雷澤張從道

竹書筒二首

訪田公不遇

勉蘇唐詢秀才

獵

大寒早行

遊靈泉山寺

至日早離張村

歲晏村居

病起吟殘菊

和馬寺丞秋日寄明復

先生

嶽色

宿村舍

和奉符知縣馬寺丞捕

蝗回有作

泰山

留守待制視學六首寄趙庶明推官

寄沛縣梁子高

送張殿院還臺

山齋熟寢田集賢書至因題書後

元均首登賢良科因寄

安道再登制科

送奉符監稅孟執中借

職

張文叔由臺簿改著作

寄君謨

寄元均

寄叔仁

寄題姜潛至之讀易堂

縣州路次水軒暫憩右縣席上呈知郡王

虞部

嘉州寄左綿王虞部士廷評相會梓州

勉鄭師易秀才

送李堂伯升病歸

伯升病君逢遵道送歸

喜雨

留題敏夫隱居

訪竹谿呈孟節兼有懷熙道

招張洞明遠

攝相

寄孔中丞送弟及之就彭門侍養

村居

燕支板浣花牋寄徐方職

御史臺牒督光臺錢戲呈通判寺丞

送馮司理之任彭州寄通判呂國博

顏魯公太師二首
褚遂良僕射

陽城諫議
袁高給事

溫造御史
劉栖楚拾遺

讀五王傳
讀晉魯二公傳

李英公勳
漢成帝

文中子二首
初過潼關值雨

甫晴復賦一絕

過温湯

初過大散關馬上作過飛仙嶺二首

峽中

劍門讀賈公疎詩石

赴嘉州得友人書因答之

蜀道中念親有作
泥溪驛中

柳池驛中作

訪栗園有感

村舍有姥八十餘出拜

卷第五

怪說上

怪說中

怪說下

原亂

明禁

卷第六

是非辨

復古制

明四誅

擊虵笏銘 并序

鄭元傳

卷第七

可嗟貽趙狩

畫箴貽君豫

二大典

讀原道

辨易

尊韓

釋汝墳卒章

錄蠹書魚辭

歸魯名張生

宗儒名孟生

卷第八

貴謀

救說

責臣

錄微者言

辨私

書淮西碑文後

責素餐

辨謗

朋友解 并序

辨惑

卷第九

明隱

賢李

明孔

題鄆州學壁

釋疑

孫少傅致政小錄

兵制

養說

記永康軍老人說

趙延嗣傳

卷第十

漢論上

漢論中

漢論下

中國論

卷第十一

季札論

伊呂論

憂勤非損壽論

牛僧孺論

周公論

王爵論

陰德論

水旱責三公論

卷第十二

書

上范中丞書

上郭殿院書

上趙先生書

上杜副樞書

上張兵部書

卷第十三

書

上蔡副樞書

上孔中丞書

上范思遠書

上劉工部書

與楊侍讀書

上轉運明刑部書

卷第十四

書

上杜副樞書

上李雜端書

與士建中秀才書

與張洞進士書

上王沂公書

上王狀元書

上孔徐州書

卷第十五

書

上孫少傅書

荅歐陽永叔書

上范青州書

與祖擇之書

與君貺學士書

上孫先生書

與范十三奉禮書

卷第十六

書

上韓密學經畧使書與董秀才書

與張秀才書

與士熙道書

與裴員外書

與范思遠書

與漢州王都官魚屯田書

卷第十七

書

上范經畧書

代張顧推官上銓主書

代高長官上轉運書上徐州扈諫議書

與奉符知縣書

上潁州蔡侍郎書

與張安石書

卷第十八

序

三朝聖政錄序

唐鑑序

石曼卿詩集序

送龔鼎臣序

送祖擇之序

送張績李常序

送劉先之序

呂虞部士龍字序

卷第十九

記

祥符詔書記

宋城縣夫子廟記

泰山書院記

青州州學公用記

新濟記

去二畫本記

宣化軍新橋記

柘城縣巡檢廨署記

鄆城縣新堤記

祭堂記

拜掃堂記

卷第二十

謝益州張密學啟

謝益州轉運明學士啟

謝兗州李相公啟

謝兗州通判孟虞部啟

代鄆州通判李屯田薦士建中表

鄆州知州祈雨文

上南京夏尙書啟

移府學諸生

南京夫子廟上梁文

南京知府祈晴文

徂徠石先生文集總目錄終

新雕徂徠石先生文集卷一

宋頌九首

并序

宋頌

皇祖六章二章八句一章六句三章四句

聖神四章一章四句一章八句一章七句一

章六句

湯湯三章章八句

莫醜四章章六句

金陵二章章八句

聖文三章章十句

六合雷聲六章章六句

聖武三章章十句

明道十一章二章八句四章六句五章四句

慶厯聖德頌

宋頌

詩序曰頌者美盛德之形容以其神功告於神明者也夫有盛德大業然後爲之文辭有粹文俊辭然後充見乎功業德與辭表裏功與文相埒然後奮爲宏休摛爲英聲昭爲烈光曄曄如日之華鏗鏗訇訇如雷之行暢於無前揚於無上汪洋

海流天高地厚不有窮盡若周之文武興起王業
公旦制作禮樂成康積隆太平宣王亨起中興其
功偉歟漢之高祖定禍亂文景崇尚恭儉孝武卻
攘戎狄光武恢復漢業其功偉歟唐之太宗誅李
密王世充竇建德薛舉輔公祐明皇除太平公主
相姚宋開元三十年昇平憲宗斬楊惠琳劉闢吳
元濟復諸侯地數千里其功偉歟我國家

太祖武皇帝一駕而下澤潞再矢而定維揚三揖
而納荆潭四指而收蜀廣五征而平江南
太宗文皇帝克紹前烈亦旣踐祚南致淮海數十

州之地纔謀順動北縛并元四十五年之寇

眞宗章聖皇帝暫臨澶淵匈奴喪威墮膽迨今四十年樂我盟好不敢箠馬而南今

皇帝在明道之初獨臨軒墀躬厥庶政神謀睿斷如雷之動六合莫不震焉發號施令如風之行萬民莫不見焉登仕哲艾剪鉏姦惡天清地明日燭月霽其功也如此鴻烈景鑠乃可作爲歌詩雅頌流於金石被於管絃報天地而奏宗廟感昆蟲而和夷貊矣故周有清廟生民臣工天作雝潛勺武漢有中和樂職聖主得賢臣唐有晉陽武獸之窮

涇水黃奔鯨沛淮夷方成元和聖德諸篇臣介竊
擬前人輒取

太祖太宗真宗陛下功德之尤著見者爲
宋頌九篇臣雖齒髮堅壯未爲衰老自視材智甚
短施之於事無毫髮所長虛生盛明之時真以爲
媿然文采晦昧體格卑脛不足以稱述四聖君之
耿光亦庶乎萬一有以助太平之頌聲云

皇祖太祖皇帝初用師伐潞州滅李筠伐揚州滅李重
進也皇祖神武疇敢戲豫戲豫一作違拒元年四月筠叛於

潞皇祖躍馬至潞城下筠窘赴火焦頭爛額皇祖龍

行錄卷之一
三
驤疇敢猖狂元年九月進叛於揚 皇祖長驅至揚城
隅進窳登樓并焚其孥 皇祖曰嘻物情難籌予代有
周天時人謀罔有不同予□其休予亦卽祚涵濡養撫
罔有失所子德其裕筠胡子違進胡不隨予匪汝誅汝
自取之旣翦二盜聖武烜耀荆潭蜀吳如拔腐草

皇祖六章二章八句一章六句三章四句

聖祖太祖皇帝出師援長沙且假道荆遂取荆潭也不
疾而速不怒而威惟聖惟神其幾其微二國之君各保
爾土虎憑於山莫予敢取蛟憑于淵莫予敢侮萬斯年
兮關鑄以固聖機神謀天祕地藏風行雷動旦秣我馬

夕取其疆二君不知晏眠于床具篙與舟同朝天子一
發五豨二君皆至

皇祖聖神鴻光丕懿

聖神四章一章四句一章八句一章七句一

章六句

湯湯 太祖皇帝收蜀取孟昶也湯湯其江區區爾孟
一夫當關不知天命蟻固于穴蛙負于井咫尺之地爲
可以騁彼以險守我以德懷王師東來函谷自開蜀虜
授首呼號哀哀蜀人鼓舞與我來皆昔時蜀道絕人來
往今蜀旣平王道蕩蕩尉候一置朝貢相望巍巍

皇祖德聲遠暢

湯湯三章章八句

莫醜 太祖皇帝用罔渭之策命潘美取廣州也莫醜
匪虺莫悍匪兕有銀在南毒螫不已沸湯熱火暴我赤
子 皇祖曰嘻天生蒸民立之君長以養以仁乃予不
恤匪銀之嚙乃謀于渭乃將于美王師鷹揚涉江萬里
闢其城門銀號請死 皇祖有德乾覆坤容予在弔民
不殺以封 皇祖慈仁感于昆蟲

莫醜四章章六句

金陵 太祖皇帝命師取李煜也金陵峩峩長江萬里

誰爲巢穴養此蛇豕天豈作限而險而恃不順不臣敢
亢天子帝赫斯怒王師徐驅蕞爾螻蟻豈勝誅鉏哀哀
窮俘爰叫以呼歸于京師燁哉聖謨

金陵二章章八句

聖文錢俶以吳越歸也聖文安安聖武桓桓朝貢萬里
正朔百蠻無吳之險無蜀之艱無潭之噐無荆之頑咸
予賓順悅色和顏彼俶在杭有地千里皮毀毛落孤睽
莫恃懾服聲教慕爲臣使携彼人民挈其土地于橐于
囊歸于天子天子神聖罔不懷柔旣懷而封恩涵澤流
逆予有刑視彼揚州順予有封視此錢侯赫赫宗德何

有窮休

聖文三章章十句

六合雷聲 太宗皇帝親征太原取劉繼元也六合雷

聲中國有君塗其耳目不使聽聞隔在荒外嗟爾并人

匪民之嚚為賊俘虜往弔其民王澤時雨往伐其罪王

師虎旅昔時錢俶有國於吳今俶歸我為吾前驅并人

望風請為臣奴舊是匈奴為并左臂今附有德不與賊

子并人失恃求就戮死撫我則懷并人肯來降旗出城

并門夜開并土既平吾王休哉往在 藝祖未遑拓寓

遺我 聖宗啟此北土敢告

太廟惟

皇孝武

六合雷聲六章章六句

聖武戎犯我疆至于澶淵 眞宗皇帝親臨六師射煞
戎酋軍不得歸乞盟請和也 聖武惟揚鷹師虎旅至
于澶淵執彼醜虜醜虜之來蜂蠆敢怒我師如林不怒
以懼旣俘其師請示死所 聖仁如天惡殺好生于以
耀德匪來觀兵亟命止戈無茲黷刑不勦其類戴我以
兄屈膝請和畏我威靈棄甲以歸處彼北隩千斯年兮
永以爲好邊人其安養幼送老民有肥田馬有茂草威
德遠兮思我 聖考

聖武三章章十句

明道莊獻明肅皇太后崩今 皇帝陛下獨臨軒墀聽
決萬機睿謨聖政赫然日新也明肅惟母實勤養撫有
臣有虎有離有附請王祿產請廟考祖古人有作規呂
矩武政在房帷小人乘時十年于茲惟幾惟微聖人如
天不識不知龍晦其威神藏其爲明道四月睿德明發
帝褰簾箔出臨軒榻摠擘萬機指揮六合聖人之興雷
動乾行進退大臣顏色和平誅逐羣豎左右不驚不怒
而威不疾而速百蠻偷息百官重足土无二主惟辟作
福圖任哲艾拔崇贖能旌賁忠臣死生光榮洗刷敝風

宮闕清明惟帝之道與時語默靜則坤闔動則乾闔十年深宮不有其權今日南面退姦進賢宋承大紀八十年矣明道之政獨爲粹美唐三百年時惟開元猗歟明道開元同言明道之政可以歌舞小臣作頌實慙吉甫明道十一章二章八句四章六句五章四句

慶厯聖德頌

三月二十一日大昕

皇帝御紫宸殿朝百官相得象殊拜竦樞密使夷簡以司徒歸第二十二日制命昌朝參知政事弼樞密副使二十六日敕除修靖素並充諫官四月

八日皇帝御紫宸殿朝百官衍樞密使仲淹琦樞
密副使乃用御史中丞拱辰御史邈御史平諫官
脩靖十一疏追竦樞密使敕十三日敕又除襄爲
諫官天地人神昆蟲草木無不懽喜 皇帝退奸
進賢發於至聰動於至誠奮於睿斷見於剛克陟
黜之明賞罰之公也上視漢魏隋唐五代凡千五
百年其間非无聖神之主盛明之時未有如此選
人之精得人之多進人之速用人之盡實爲希闊
殊尤曠絕盛事在 皇帝之德之功爲卓犖瑰偉
神明魁大古者一雲氣之祥一草木之異一蹄角

之怪一羽毛之瑞當時羣臣猶且濃墨大字金頭
鈿軸以稱述頌美時君功德以爲無前之休丕天
之績如仲淹弼實爲不世出之賢求之于古堯則
夔龍舜則稷契周則閎散漢則蕭曹唐則房魏

陛下有之諸臣亦皆今天下之人望爲宰相諫官
者

陛下盡用之此比雲氣草木蹄角羽毛之異萬萬
不侔豈可翻無歌詩雅頌以播吾君之休聲烈光
神功聖德刻于琬琰流于金石告于天地奏于宗
廟存于萬千年而無窮盡哉臣實羞之臣嘗愛慕

唐大儒韓愈爲博士日作元和聖德頌千二百言
使憲宗功德赫奕煒燁昭于千古至今觀之如在
當日 陛下今日功德无讓憲宗臣文學雖不逮
韓愈而亦官於太學領博士職歌詩讚頌乃其職
業竊擬於愈輒作慶厯聖德頌一首四言凡九百
六十字文辭鄙俚固不足以發揚臣子之心亦欲
使 陛下功德赫奕煒燁昭于千古萬千年後觀
之如在今日也臣不勝死罪臣賤无路以進姑藏
諸家以待樂府之采焉

於維慶厯三年三月 皇帝龍興徐出闈闈晨坐太極

晝開閭闔躬攬英贄手鋤姦枿大聲颯颯震搖六合如
乾之動如雷之發昆蟲躡躅妖怪藏滅同明道初天地
嘉吉初聞 皇帝感然言曰予父子祖付予大業予恐
失墜實賴輔弼汝得象殊重慎微密君相予久予嘉君
伐君仍相予笙鏞斯協昌朝儒者學聞該洽與予論政
博以經術汝貳二相庶績咸秩惟汝仲淹汝誠子察太
后乘勢湯沸火熱汝時小臣危言業業爲予司諫正子
門闌爲予京兆聖子讒說賊叛于夏往予式遏六月酷
日大冬積雪汝暑汝寒同於士卒予聞辛酸汝不告乏
予晚得弼予心弼悅弼每見予無有私謁以道輔子弼

言深切子不堯舜弼自咎罰諫官一年奏疏滿篋侍從
周歲忠力盡竭契丹亡義檇杙饗饗敢侮大國其辭慢
悖弼將子命不畏不懾卒復舊好民得食褐沙磧萬里
死生一節視弼之膚霜剝風裂觀弼之心鍊金鍛鐵寵
名大官以酬勞渴弼辭不受其志莫奪惟仲淹弼一夔
一契天實賚子子其敢忽並來弼子民无瘥札曰衍汝
來汝子黃髮事子二紀毛禿齒豁心如一兮率履弗越
遂長樞府兵政毋蹶子早識琦琦有奇骨其器魁樞豈
視居楔其人渾樸不施剗剗可屬大事敦厚如勃琦汝
副衍知人子哲惟脩惟靖立朝嚙嚙言論礫砢忠誠特

達祿微身賤其志不怯嘗詆大臣亟遭貶黜万里歸來
剛氣不折屢進直言以補予闕素相之後含忠履潔昔
爲御史幾叩予榻至今諫疏在予箱匣襄雖小臣名聞
予徹亦嘗獻言箴予之失剛守粹慤與脩儔匹並爲諫
官正色在列予過汝言無鉗汝舌 皇帝明聖忠邪辨
別舉擢俊良掃除妖魅眾賢之進如茅斯拔大奸之去
如距斯脫上倚輔弼司予調燮下賴諫諍維予紀法左
右正人無有邪孽望見太平日不逾浹 皇帝嗣位二
十二年神武不殺其默如淵聖人不測其動以天賞罰
在予不失其權恭已南面退姦進賢知賢不易非明不

得去邪惟難惟斷乃克明則不貳斷則不惑旣明且斷
惟皇之德羣下踧踏重足屏息交相告語曰惟正直毋
作側僻 皇帝汝殛諸侯危慄墜玉失鳥交相告語
皇帝神明四時朝覲謹脩臣職四夷走馬墜鐙遺策交
相告語

皇帝神武解兵脩貢永爲屬國

皇帝一舉羣臣懾焉諸侯畏焉四夷服焉臣願

陛下壽萬千年

新雕徂徠石先生文集卷第一終

新雕徂徠石先生文集卷第二

古詩

汴渠

麥熟有感

讀詔書

待士熙道不至

赴任嘉州嘉陵江泛舟

三豪詩送杜默師雄

南山贈孫明復先生

河決

寄永叔

南霽雲

贈張績禹功

西北

贈孫先生

寄李縕仲淵

送李生謁張侯

勉富春先生

送路遵謁孔宣公

過魏東郊

蜀道自勉

聞子規

哀鄰家

送趙澤

觀碁

贈劉中都

汴渠

隋帝荒宴遊厚地剗爲溝萬舸東南行四海困橫流義
旗舉晉陽錦帆入揚州揚州竟不返京邑爲墟邱吁哉
汴渠水至今病不瘳世言汴水利我爲汴水憂利害吾
豈知吾試言其由汴水濬且長汴流湍且適千里泄地
氣萬世勞人謀舳艫相屬進餽運曾無休一人奉口腹

百姓竭膏油民力輸公家斗粟不敢收州侯共王都尺
租不敢留太倉粟峩峩冗兵食無羞上林錢朽貫樂官
求要優吾欲塞汴水吾欲壞官舟請君簡賜予請君節
財求王畿方千里邦國用足周盡省轉運使重封富民
侯天下無移粟一州食一州

麥熟有感

癸酉中作

去年經春頻肆赦拜赦人忙走如馬五月不雨麥苗死
赦頻不能活窮寡今年經春無赦書十日一雨及時下
五月麥熟人民餉一麥勝如四度赦吾願吾君與吾相
調和陰陽活元化陰陽無病元氣和風雨調順苗多稼

使麥長熟人不饑敢告吾君不須赦

讀詔書 丁亥中作

關中有山生虎狼虎狼性尪不可當去歲食人十有一
無辜被此惡物傷守臣具事奏聖帝聖帝讀之惻上意
乃詔天下捕虎狼意欲斯民無枉死吾君仁覆如天地
只知虎狼有牙齒害人不獨在虎狼臣請勿捕捕貪吏
待士熙道未至

鳳凰饑憶玉山禾鼓翅飛下玉山阿玉山之禾粒未熟
飢不得食心如何麒麟渴憶崑山流軒軒直出崑山幽
崑山之流流未長渴不得飲予心愁

赴任嘉州嘉陵江泛舟

中心橫大江兩面疊青嶂江山相夾間何人事吟放半
罇岸幘坐永日開舲望孤棹已夷猶數峯更青向危影
倒波底凝嵐浮水上鳴鷺荅猿啼樵歌應漁唱併生泉
石心堪媿庸俗狀江心清照人江面平如掌有客去逍
遙扁身浮蕩漾遠與城市絕深將泉石向水鳥忽東西
溪雲時下上軒冕誰富貴琴罇自閑放酒色照淥波吟
聲入秋浪五湖何范蠡磻磻無呂望吾家徂徠下汶水
有清響常時夜雨急隨雨來枕上竟鬼寒無寐山居得
真尙一爲塵纓縛不得閑時餉兩耳聒欲聾喧囂千万

狀雨夜自潺湲宦途空悲愴劔南四千里地遐接蠻瘴
乍聽江聲口聊使心靈暢

三豪詩送杜默師雄并序

本朝八十年文人爲多若老師宿儒不敢論數
近世作者石曼卿之詩歐陽永叔之文辭杜師
雄之歌篇豪於一代矣師雄學於予辭歸作三
豪詩以送之

曼卿豪於詩杜壇高數層永叔豪於辭舉世絕儔朋師
雄歌亦豪三人宜同稱曼卿苦汨沒老死殿中丞身雖
埋黃泉詩名長如冰永叔亦連蹇病鸞方騫騰四海讓

獨步三館最後登師雄二十二筆距猶如鷹才格自天
來辭華非學能迴顧李賀輩麤俗良可憎玉川月蝕詩
猶欲相憑陵曼卿苟不死其才堪股肱永叔器甚閎用
之王道興師雄子勉旃勿便生驕矜

南山贈孫明復先生

我來南山興感悲万物紘紘宰者誰眾材叢卑無奇姿
直轅曲輪皆所宜大木磊磊節幹奇撐巖拄谷無處施
我願天子脩明堂坐朝諸侯會四夷柱要十圍棟百尺
日責匠石搜訪之千人用斧萬人拽大根斫斷山崩欹
五州追牛十縣丁載送上都天子怡般輸駭汗工倕走

有目未省曾觀窺黃帝合宮堯衢室周制九筵虞總期
聽政朝夕有攸處闔門左右咸以時天子拱手四輔立
坐致四海爲雍熙不用直棄用卽大短轅曲輪爾胡爲

河決 乙亥中作

崑崙山最大峩峩橫絕域黃河地下來洶洶不可測河
伯一發怒擘開崑崙石水出東北陬浩渺無涯極平地
水行疾九州如咫尺湯湯勢滔天黎元多沈溺上貽堯
心憂四岳舉鯀塞鯀用汨彝倫九載無成績堯怒不能
治遂行羽山殛有子其曰禹命使嗣父職洛中得龜書
九疇文甲坼禹乃乘四載周游視水迹百川各復道九

河皆開闢禹功旣已成水患方茲息竊思大禹意河九
爲遠策況云殺其濫聞之孔安國三代逾千年所以無
災厄戰國爭土疆諸侯用詐力遷徙無常歲湮淪不可
識隄障遏水勢溝渠絕地脈禹道不復究河流有壅隔
頻爲中國患中國不安席從官徒負薪河伯弗受璧斫
盡淇園竹安救瓠子役民力殫將竭國材耗亦劇四方
競上疏羣臣爭籌畫田蚡方爲相書來多持扼豈顧天
下利惟以私田惜賈讓不爲用延年亦見斥如何聖人
功千載復不得皇宋運熙泰四聖崇道德百蠻皆臣順
万物遂生嗟七八十年間人不聞金革惟茲澶滑郡河

決亦云亟常記天禧中山東與河北藁秸賦不充遂及
兩京側騷然半海內人心愁慘戚河平未云幾隄防有
穴隙流入魏博閒高原爲大澤良田百萬頃盡充魚鼈
食救之成勞費不救悲隱惻吾君爲深慮不食到日昃
我忝竊寸祿素餐堪自責不負一畝土私輒逃丁籍又
無一言長万分有裨益與世同浮沈隨羣甘默默亦或
中夜思斯民若瘦瘠四年困蝗旱五穀餌蝨蠖年來風
雨時纔得一秋麥手足猶瘡痍飢膚未豐碩若待四體
肥斯民無愁色不然尋九河故道皆厯厯一勞而永逸
此成功無斲或可勿復治順其性所適徙民就寬肥注

水灌戎狄試聽芻蕘言三者君自擇

寄永叔

九龍行雨歲在子皇天之命實勤止泓湫水暖嗜慾飽
七龍嬉戲兩龍睡卷藏密雲空自膏畜聚甘雨不肯施
旱魃妖狂作民虐風伯暴怒興日熾訴號仰天天不聞
九州之禾皆乾瘁嗟呼龍職職行雨失職不雨民胡恃
騶虞義獸心實仁不忍斯民不食死向龍慢罵數龍罪
龍不能答滿面恥偷向上帝讒騶虞騶虞得罪龍竊喜
欲知龍與騶虞分仁與不仁而已矣

南霽雲

唐祿山亂張巡許遠固守濰陽城兵窮援絕霽雲跳出城走泗投賀蘭乞

救賀無出兵意霽雲對眾斷一指為不食
怒離泗以一矢射浮圖為志且曰賊退我
必來殺
賀蘭云

祿山熾亂火焚崑岡炎炎二京鞠為戰場百官奔走萬
乘蒼黃孰城能守孰城不亡瞻彼濰水其流湯湯有城
有民在濰之陽遠位巡上巡智我疆以城受巡巡亦克
當賊從西來殺氣堂堂旌旗如林對城而行巡遠登城
辭殺色康城中之人踴躍倍常賊知城堅坐甲裹糧城
中食盡殺愛以嘗士無二志持病扶瘡寧守城死城不
可降霽雲勇烈跳軼出走走泗投賀求兵救乏賀飲霽
雲牢醴羅列霽雲避席謂眾云曰濰陽之人不食一月

義不獨飽食下輒咽以刀斷指左右流泣彼何人兮忌
忠嫉節心不感兮賊功害我不出一兵坐觀斧鉞霽雲
心折寸寸如鐵霽雲據鞍怒髮衝冠一矢以志復來不
完路人傍觀涕流汎瀾遠近聞者爲之辛酸力盡且窮
城孤無援至死不屈萬戈來攢精誠內發顏色自安身
輕鴻毛名重泰山吾執唐刑罔容於姦未誅祿山先誅
賀蘭

贈張績禹功

李唐元和閒文人如蠶起李翱與李觀言雄破奸宄孟
郊及張籍詩苦動天地持正不退讓子厚稱絕偉元白

雖小道爭名愈弗已卒能霸斯文昌黎韓夫子吾宋興
國來文人如櫛比黃州才專勝漢公氣全粹晦之號絕
羣平地走虎兕謂之然駁雜亦文中騏驥白稹泊盧震
江沱白謂水朱巖兼孫僅培塿對嶽峙卒能霸斯文河
東柳開氏嗟吁河東沒斯文乃屯否湯湯三十年淫哇
滿人耳粵從景祐後大儒復昌始文人如麻立縱橫攢
戰騎徂徠山磊砢生民實頑鄙容貌不動人心膽無有
此不度蹄涔微直欲觸鯨鯉有慕韓愈節有肩柳開志
今讀禹功文矛戟寒相倚寶光千里高飛出破屋裏龍
音万丈長拔出重淵底雷霆皆藏身日星或失次我慙

年老大才力漸衰矣禹功氣奔壯今方二十二前去吾
之年猶有十四歲今讀禹功文冤鬼已驚悸更加十四
年世應絕儔類卒能霸斯文吾恐不在已禹功幸勉旃
當仁勿讓爾

西北 乙亥中作

吾嘗觀天下西北險固形四夷皆臣順二鄙獨不庭吾
君仁泰厚曠歲稽天刑孽芽遂滋大虵豕極羶腥漸聞
頗驕蹇牧馬附郊坳吾恐患已深爲之居靡宣堂上守
章句將軍弄娉婷不知思此否使人堪涕零

贈孫先生

世無伯樂不識馬眼看騏驎如駑駘先生今年四十四
才似皋夔胡爲哉泰山山下水照石溪聲濺濺白雲堆
我居其間御名茅屋先生先生歸去來

寄李縕仲淵

噫吁嘻屈原放賈誼投晦之流子望囚古人今人皆不
免才能累身才反仇吾友仲淵少學古胷中疎落羅孔
周點毫磨墨作文字壯哉筆力追羣牛三十青衫得一
尉尺澤寸疲蟄長虬清廉愛民復材武一日得罪繫滌
州噫吁嘻屈原忠臣楚之望賈誼少年才無儔晦之子
望俱命世麒麟頭角爭崔嵬時不與兮將柰何仲淵仲

淵勿涕流

送李生謁張侯

李生長七尺，栖栖長自弔。一飲酒一石，常懷酒甕小。一
食牛一腔，平生未曾飽。負劍出門去，滿眼荒榛道。行行
何所適，淚下沾襟抱。李生且收涕，不足苦悲悼。非無咸
池音，夔曠世所少。不識伯樂氏，飛黃編牛阜。我聞張侯
者，其人非草草。六經探精微，九流得指要。荀況或言兵，
杜牧曾深考。縱橫文武術，難以尋常較。磊磊公侯器，可
以鎮浮躁。予將丈二矛，試向伊前掉。見予伊心喜，扶子
出泥淖。王濟牛心炙，李生應得咬。

乙亥冬富春先生以老儒醇師居我東齊濟
北張洞明遠楚宮李縉仲淵皆服道就義與
介同執弟子之禮北面受其業因作百八十
二言相勉

鳳凰飛來眾鳥隨神龍遊處羣魚嬉先生道德如韓孟
四方學者爭奔馳濟北張洞壯且勇楚丘李縉少而奇
二子磊落頗驚俗泰山石介更過之三人堂堂負英氣
胷中拳拳蟠蛟螭道可服兮身可屈北面受業尊爲師
先生晨起坐堂上口諷大易春秋辭洪音琅琅響齒牙
鼓簧孔子興宓義先生居前三子後恂恂如在汾河湄

續作六經豈必讓焉無房杜廊廟資吁嗟斯文敝已久
天生吾輩同扶持二子勉旃吾不惰先生大用終有時
當以斯文施天下豈徒玩書心神疲

送路遵謁孔宣公

薄田五頃餘纔足共王租

田五頃稅四頃五十畝

慈母八十四髮

白牙齒踈服非帛不煖半冬無袴襦食非肉不飽栝案
惟一蔬南陔孝子心若何爲安居方冬万木折北風裂
人膚凍死不敢言長塗走崎嶇二百里見我寒茲求吹
噓顧我正憔悴念子空勤劬闕里有聖孫佩服詩與書
孜孜行仁義陰德及焦枯三縣十萬人其命絕而蘇豈

使八十老旨甘不足歟文宣公視瑕丘奉符鄒三縣水災之民無出今年租大飢人得

過魏東郊

全魏地千里雄大視區宇黃河為血脈太行為筋膂地

靈育聖賢土厚含材材一作文武堂堂柳先生生下如猛虎

十三斷賊指聞者皆震怖十七著野史才俊凌遷固二

十補亡書辭深續堯禹六經皆自曉不看注與疏述作

慕仲淹文章肩韓愈下唐二百年先生固獨步投篇動

范杲落筆驚王祐四方交豪傑羣公走聲譽一上中高

第數年編士伍五命為御史連出守方土事業過皋夔

才能堪相輔鳳凰世不容眾鳥競嘲詆獄中饑不死特
地生爪距貔貅十萬師盟津直北度塞上諸猛將低頭
若首鼠渴憶海爲漿飢思鼈爲脯兩手擎人肝大牀橫
牛肚一飲酒一石賊來不怕懼帳下立孫吳罇前坐伊
呂笑談韜鈴閒出入經綸務匈奴恨未滅獻策言可虜
幽州恨未復上書言可取好文有太宗好武有太祖先
生文武具命兮竟不遇死來三十載荒草蓋墳墓四海
無英雄斯文失宗主豎子敢顛狂黠戎敢慢侮我思柳
先生涕淚落如雨試過魏東郊寒鴉啼老樹丈夫肝膽
喪眞儒冤鬼去瓦石固無情爲我亦慘沮

蜀道自勉

潮陽瘴煙黑去京路八千吏部有大功得罪斥守藩朝
衝江霧行夜枕江濤眠蛟蜃作怪變時時攀船舷魚龍
吐火焰往往出波閒故爲相恐怖倏忽千萬端道在安
可劫處之自晏然我乏尺寸効月食二萬錢自請西南
來此行非竄遷蜀山險可升蜀道高可緣上無嵐氣蒸
下無波濤翻步覺閣道穩身履劔門安惟懷吏部節不
知蜀道難

聞子規

月上半峯峯樹碧子規啼月苦無色壯士耳邊都不聞

兒女眼中淚自滴古人出處非關身處兮事親出事君
服勤至死不敢倦避勞擇逸豈所聞我看蜀道誠爲難
嗟爾子規何云云王尊九折竟叱馭班超萬里圖立勳
乘危蹈險盡臣節二人至今揚清芬我本魯國一男子
少小氣志凌浮雲精誠許國貫白日有心致主爲華勛
位卑身賤難自達滿腹帝典與皇墳有時憤懣吐一言
小人謗議已紛紛宰相寬容天子慈八年之中三從軍
從軍官清吾何苦嘉州路遠爾勿語地不爲我易其險
我豈守道不能固子規子規謾啼絕斷無清淚洒向汝

哀隣家

行役先生集卷之二
三
隣家不選鑿鑿無救病術朝一鑿工入暮一鑿工出有
加而無瘳遑遑不安室吁嗟鄰翁愚予爲病者恤瞽鑿
一日更千人盲藥何能療沈疾

送趙澤

子來入吾圃纔食一寸苗未足充子腹飢腸猶枯焦玉
禾粒大如棗食之令人身肥饒留以待鳳凰不將食鴟
梟吾子何日回遺子一粒換肝膈

觀碁

人皆稱善奕伊我獨不能試坐觀勝敗白黑何分明運
智奇復詐用心險且傾嗟哉一枰上奚足勞經營安得

百萬騎鐵甲相磨鳴西取元昊頭獻之天子庭北八匈
奴域縛戎王南行東逾滄海東射破高麗城南趨交趾
國蠻子輿櫬迎盡使四夷臣歸來告太平誰能憑文楸
兩人終日爭

贈劉中都

吾登泰山上下視何紛紛彼角而走者孰爲麟與麀彼
茁而生者孰爲蕭與芸伯樂不復出駑驥終同羣卞和
不再生珉玉將誰分吁哉劉中都高標凌浮雲諸侯不
薦士外府不策勳冉冉趨黃綬勤勞徒爾云我媿勢力
小不能叫吾君勿改芳蘭性林深須自薰勿隱沖鶴聲

天高當自聞

新雕徂徠石先生文集卷第二終

新雕徂徠石先生文集卷第三

古詩

感事

送張革從道謁千乘縣

田祕丞京

送范曙赴天雄李太尉辟命

安道登茂材異等科

寄明復熙道

詔下勉諸生

感興

又送從道

寄北京密直杜公

偶作

詔罷縣令舉

植萱

贈李常李堂

愛日勉諸生

閑興

過潼關

勉師愚等

寄弟會等

五月十日雨

送李堂病歸

勉三子

蜀地多山而少平田因有云

彼縣吏

蝦蟇

劉生病歸

久旱

永伯仲淵在獄作詩傷之

送進士高樞拱辰

讀韓文

感事

吾嘗觀中夏地平如砥石幅員數萬里車馬通轍迹帝
宅居上中紫垣當辰極長江斷其南絕塞經其北東海
西流沙天爲限夷狄三代千餘年天子雖務德實以險
爲恃四夷皆潛匿漢唐德稍衰地勝豈殊昔暫來還亟
去不敢窺城壁石晉一失謀六州淪胡域天地破局鏑
山川無阻阨貽爾子孫患固知非遠策桓桓周世宗三
十纂堯歷一歲破河東劉崇喪精魄再歲復秦鳳不庭
自柔格三歲出南狩王師拯焚溺江北十四州取之如
卷席四歲征關南曾不發一鏑三州相繼降德聲暢蠻
貊李昇請臣妾錢鏐修貢職帝欲因兵鋒乘勝務深擊

直取幽州城拓土開疆場重收虎北口複關閉寇賊是
時戰屢捷六軍氣吞敵平吳如破竹成功在頃刻惜哉
志不就暴疾生中夕帝宋承大寶聲名發丕赫全蜀獻
土地舉吳上圖籍荆潭與甌閩助祭來匍匐開城納江
俘御樓受晉馘區內一正朔六州獨割剔憤憤柳崇儀
才宏包旦爽生長在河朔耳目熟金革旗鼓朝治兵酒
肴夜結客握臂說心誠倒囊推金帛客以豪傑士遇侯
頗感激往來達厥誠生死願効力万德納我說洞然絕
嫌隙事成已有萌侯去何云亟豪傑夜空回帳中屢歎
息我覽此二事天意終難測撫卷一感傷兩眼淚潛滴

送張革從道謁千乘縣田祕丞京

張生何人者琅玕滿懷抱三十命未興家貧親且老出
門无所適獨守西山操飢寒屢侵凌仁義自充飽手裏
璆琳枝不換徑寸草足底麒麟文不踏荒榛道十月客
路寒霜風鳴浩浩張生氣愈壯勁髮上衝帽松筠凍不
折枝葉轉青好雪深徒三尺麟麒不受淖東方有賢者
開廐納騶裊臨風試一鳴應免編牛阜

送范曙赴天雄李太尉辟命

吾家泰山徂徠間濃嵐潑翠粘衣冠君來訪我茅屋下
正值春色含春寒終日把酒對山坐幾片山色落酒盤

峯頭雲好望無倦
筇裏酒多傾不乾
臨行再拜慙勤別
請我一言披心肝
吾貧无錢以贈君
門前峩峩橫兩山
願君節似兩山高
眼看富貴如鴻毛

伯樂之廐无駑駘
豫章之林多瑰材
相君新坐碧油幢
之子直上黃金臺
秋風蕭蕭動笳鼓
落葉槭槭鳴罇罍
將軍手持十萬騎
陣前號令如疾雷
從事借籌爲決勝
運於掌上何恢恢
蠢茲元昊命螻蟻
西師堂堂難當哉
況我賢相賢從事
北門无憂宜大開

安道登茂材異等科

嘗言春官氏設官
何踞躡屑屑取於人
辭賦爲程約一

字競新奇四聲分清濁矯矯遷雄才動爲對偶縛恢恢
晁董策亦遭聲病落每歲棘籬上所得多浮薄嗟哉浮
薄流不知王霸略六經掛東壁三史東高閣瑣瑣事雕
篆區區衍述作隨行登第一謂身翦寥廓趨衆得一官
謂身縻好爵栖栖咫尺地燕雀假安託汲汲五斗米鴈
鶩資飲啄壯哉張安道少懷夫子學三就禮部試不肯
露頭角恥用衆人遇羞將一賦較甘心塌翼歸志懷本
卓犖三賢文章師

大參宋公副樞蔡公
計相范公連章稱薦

儒林推先覺百

鳥聲喈喈獨能辨鶯鶯玉石方混混獨能識玉璞薦之
于天子此材堪輪桶遂得望清光三接近帷幄僚友視

萬乘器宇誠嶽嶽願乞數刻景古今可揚摧縱橫三千
言得雋如奪稍上下馳皇王周旋騁禮樂遠推災異源
上究星文錯直言補王闕危論針民瘼天子覽其秦嘉
賞爲嗟愕旣嘆相見晚且言同時樂一命校祕書恩澤
優且渥追惜漢武世仲舒道磽确再念文宗朝劉蕡命
蹇剝有才無其時徒抱此誠慤吾君嗣丕基百王慙景
鑠萬物蒙休嘉四夷奉正朔賢良得其時才命不相虐
一謁乃大遇君臣無隔膜我賀吾君明取士得英卓我
賀吾道行逢時不蹉跎行願入廊廟鈞軸在掌握上使
斯文滄下使斯民樸五常從何追三王豈爲邈

寄明復熙道

四五十年來斯文何屯蹇雅正遂彫缺浮薄競相扇在
上無宗主淫哇千萬變後生益纂組少年事彫篆仁義
僅消亡聖經亦離散其徒日已多天下過大半路塞不
可闢甚於楊墨患辭之使廓如才比孟子淺患大恐不
救有時淚如霰大賢爲時生去聖猶未遠昔日到汶上
熙道始相見知道在熙道一見不敢慢尊之如韓孟與
道作藩翰今春來南郡明復去京輦未識心相通所懷
恨未展明復無羈縛我有守官限南走三百里訪我殊
不倦劇談露胷臆胷臆无畔岸高文見事業事業盈編

簡一一皇霸略縱橫小管晏磊磊王相才上下包周漢
二贇信命世實爲有道見天使扶斯文凜風應可遣我
綴二贇末材駑媿款段

詔下勉諸生

禮部文章淵波浪百尺高進士英俊窟蛟龍千萬條吾
子欲求濟整子棹與篙吾子欲求勝操子戈與矛勿謂
水可狎徒行思遊遨勿謂龍可馴空手捋鬚毛波神忽
洶湧怖死填蟹螯龍角忽張怒走同蝦蟇曹苟利篙楫
往跳海如溝濠苟操戈矛行拉蛟如猿猱吾言有所勉
非徒聲嘈嘈

感興

村居何所適種木樹桑梓田園繞家舍遠不逾十里款
段足乘騎代步而已矣但識畜駑駘安知有騏驥臘月
北風寒太行山色紫君命急如火城頭見燧燧雪深馬
僵倒十夫扶不起軍法有明訓後期者誅死倚鞍思駿
骨撫轡念綠駟求之不可得齷齪滿眼淚旁聞負薪叟
竊語相譏刺居安常念危在險如處易臨難始求濟狼
狽徒勞爾有脩則無患古人垂深旨平居無事時華廐
深祕邃善穀與豐草秣飼十廐吏駑駘飽相枕素殮不
知媿伯樂能識馬每來加勸說飛兔與驪裒日牽在都

復先生集卷之三
市爲愛千金資貪恪不肯置今日臨艱難努力自勉勵
又送從道

常欲飽煖天下人其道未得一寸施子有二親皆七十
糠覈不充常寒飢昨日訪我破屋下具雞一隻酒一卮
子起卻盤筋不舉吾親未省曾食之對我噓噓涕泗下
孝子之心真可悲子固與我同一體相間豈復有毛皮
顧子之親則吾親吾親凍餒無柰何飽煖天下心徒爲
送子出門成此詩

密直杜公作鎮于魏天章李公領使于魏明
復先生客于魏熙道宰于魏因作詩寄之

古魏信名地曹劉遺英躅李唐三百年帳爲干戈蹴建
安風不還南皮草空綠寥寥千餘祀風流今始續李杜
二賢公清猷鎮雅俗詩名占唐代三公本名族聖時還
並生聲烈相薰馥朝廷倚金湯天子恃心腹盛德異物
懷威望憬夷服千里無驚烽三軍安食粟休然德化厚
蒼生坐蒙福先生服仁義懷道輕爵祿非其人不取一
簞亦自足陳蕃知人明文侯好士篤解榻延徐孺過門
軾千木今留二公館德脩令問淑熙道富天爵孝悌聞
鄉曲孔孟信可蹈聖賢良自勗漢庭新射策驟升校書
局魏縣方百里君命往養育二公佐世傑二賢不碌碌

相與施禮讓物歸不待宿相與講道義教行如流速賢
人時邁會間不容薄穀五百年一賢今乃同時生千里
猶比肩四賢今連薨相聚誠可樂相得良有情我媿孤
且陋徒抱此寸誠處此歎無首在泰非彙征出門皆同
人坎坎于郊行獨鶴遠無和栖栖在陰鳴安得雙飛翼
一翥鄴都城

偶作

晉公平淮西兵出速如神崇韜伐西川六十日請臣太
祖初受命諸侯未盡賓蜀廣號敵國荆潭爲疆鄰王師
討有罪不聞逾十旬元昊誠螻蟻有地長一畛詎足污

古魏信名地曹劉遺英躅李唐三百年帳爲干戈蹴建
安風不還南皮草空綠寥寥千餘祀風流今始續李杜
二賢公清猷鎮雅俗詩名占唐代三公本名族聖時還
並生聲烈相薰馥朝廷倚金湯天子恃心腹盛德異物
懷威望憬夷服千里無驚烽三軍安食粟休然德化厚
蒼生坐蒙福先生服仁義懷道輕爵祿非其人不取一
簞亦自足陳蕃知人明文侯好士篤解榻延徐孺過門
軾千木今留二公館德脩令問淑熙道富天爵孝悌聞
鄉曲孔孟信可蹈聖賢良自勗漢庭新射策驟升校書
局魏縣方百里君命往養育二公佐世傑二賢不碌碌

相與施禮讓物歸不待宿相與講道義教行如流速賢
人時邁會間不容薄穀五百年一賢今乃同時生千里
猶比肩四賢今連薨相聚誠可樂相得良有情我媿孤
且陋徒抱此寸誠處此歎無首在泰非彙征出門皆同
人坎坎于郊行獨鶴遠無和栖栖在陰鳴安得雙飛翼
一翥鄴都城

偶作

晉公平淮西兵出速如神崇韜伐西川六十日請臣太
祖初受命諸侯未盡賓蜀廣號敵國荆潭爲疆鄰王師
討有罪不聞逾十旬元昊誠螻蟻有地長一畛詎足污

斧鉞尋當投荆榛是何逾歲月務行含貸仁豈茲將帥
間迥無晉公倫張旗發一號豈無李處耘提戈出一戰
豈无王全斌容茲盈寸蟹蕩漾於流津平生讀詩書曾
中貯經綸薄田四五畝甘心耕耨勤倚鉏西北望涕淚
空沾襟

詔罷縣令舉

一絃獨不調謂琴皆可廢一目獨不張謂網皆可毀易
絃張其目網在琴聲遂舉令或非人止當罪舉吏遂令
天下不得舉廢琴毀網復何異

植萱

一人橫行武王則羞今西夷之鬼抗中國而敵萬乘西
夷之服升黃堂而驕諸侯尊於天子滿於九州王法不
禁四民不收植萱於階兮庶忘吾憂

贈李常李堂

王黃州禹偁張尙書詠
高夫子李相國皆濮人

顓頊宅帝丘放勛葬成陽有虞漁雷澤三帝聲汪洋帝
成陽雷澤皆屬濮州聖人遺風烈生民多材良吾宋八十年賢桀

近相望黃州號辭伯兩朝專文章尙書實大臣朝廷畏
雄剛堂堂高夫子立言肩荀楊凜凜李丞相均業齊蕭
張三人名未泯相國方騰驤又生不世才李常與李堂
二子皆絕羣鳳凰摩蒼蒼一舉一萬里志氣不可量新

文各百首寒金敲琳琅古音抱瀄澹雲和與空桑豪氣
邁儔匹駿裏與飛黃千里希一贇四公乃同鄉二子復
穎耀士風實深長遙知濮水上千載流聲光

愛日勉諸生

白日如奔驥少年不足恃汲汲身未立忽焉老將至子
試念及此則晝何暇乎食夜何暇乎寐

閑興

大匠御名厦屋取直棄曲木如何官擇人棄直獨取曲養
苗除稂莠養民除貪垢存莠苗不顧去貪民自富

過潼關

昔帝御中原守國用三策上策以仁義天下無能敵其
次樹屏翰相維如盤石最下恃險固棄德任智力驅馬
過潼關覽古淚潛滴開元帝道明百蠻奉周歷田野富
農桑邊隅無寇賊紫宸日視朝潼關夜常闢天寶君政
荒宮闈養虺蜴恩愛成怨疾心腹生毒螫朝聞發漁陽
暮已卷河北鳴鼓渡潼關矢及乘輿側重門徒爾設關
吏安所職始知資形勢不如脩道德

勉師愚等

不行一千里安得爲良馬不連十五城安得稱善價汝
皆有血氣非如木偶者撮髮號男兒肯甘在人下汝不

聞圖王不成猶可霸舜與吾俱人學之則舜也汝等但
勉旃前賢皆可亞

寄弟會等

吾門何所喜子衿青青多豹常志古道佩服卿與軻平
淑號能賦其氣典以和樞從吾日久道德能切磋澤也
齒最少已有亭亭柯彰頗通典籍所立不么麼□乎性
源濁今亦爲清波就初學誦詩日記十板過材雖有高
下異日俱甲科會汝少俊異美若玉山禾看汝辭林中
枝條漸婆娑合亦稍純茂知不隨身矧其流雖涓涓可
道爲江沱視汝器磊磊滄沆沆皆蚌螺我有堇山錫欲鑄

子太阿誠能來就學穎利加銛磨翹翹數子間可與□

肩摩

張豹劉君平盧淑李常高
樞趙澤孔彰淳沆姪也

五月十日雨

明道二
十年作

鞭下不見血頑石雲不蒸鞭龍不至痛六合雷不勝吾
君與吾相威德震八紘万物各脩職雨師獨敢宐

送李堂病歸

春風汶水溫曉日徂徠寒之子銜病歸請予開一言予
知去病術為子陳大端予嘗學聖人試將道比論道病
非一日善醫惟孔韓賞罰絕于周孔筆誅其姦春秋十
二經王道復全完佛老熾于唐韓刀斷其根原道千餘

言生民復眠餐道病由有弊邪僞容其間身病由有隙
風邪來相干子欲治斯道絕弊道乃存子欲治子身杜
隙身乃安此理近古鑿吾言有本原

三子以食貧困於藜藿爲詩以勉之

吾世本寒賤吾身守貧約家徒立四壁无田負城郭終
歲服一衣无裝貯囊橐吾雖得一官官微月俸薄混屬
歲凶荒飢民填溝壑吾幸有寸祿不至苦隕穫隨分且
飽煖不然亦流落爾等勤初學无恥衣食惡仁義足飽
飫道德堪咀嚼二者肥爾軀不同乳與酪爾無嫌鹿糲
爾勿厭藜藿富貴自努力青雲路非邈

蜀地多山而少平田因有云

五穀无種處蜀民土田窄癡巖頑石長不休詭譏赤子
將何食

彼縣吏

嗟乎嗟乎彼縣吏剥膚椎髓民將死夏取麥兮秋取粟
笞匹紅兮杖匹紫酒臭甕兮肉爛床馬餘梁兮犬餘餼
雀腹鼠腸容幾何虎噬狼貪胡无已

蝦蟇

夏雨下數尺流水滿池泓蝦蟇爲得時晝夜鳴不停幾
日飽欲死腹圓如罌瓶巨吻自開闔短項或縮盈時於

土坎間突出兩眼睛是何癡形骸能吐惡音聲嗟哉爾
肉膾不中爲犧牲嗟哉爾聲鹿不中和人情殊不自量
力更欲睥睨橫海之鱣鯨自謂天地間獨馳善鳴名万
物聒皆聾不知鐘鼓欽欽雷霆闕闕應龍戢腦入海底
鳳凰舉翼摩青冥此時各默默以避蝦蟆鳴何時雨歇
水澤涸青臭泥中露醜形失水無能爲兩腳不解行乾
渴以至死盡把枯殼填土坑

劉生病歸

泰山山前有瓊圃其中不樹蕨與薇千頭綠竹瑤實甘
百畝玉芝丹粒肥麒麟于于鳳凰飽鼓翅奮臆揚清輝

徂徠山下少耕耨高藜滿圃无芳菲
騶虞不住鸞鳥去日暮啁啾燕雀飛
嗟哉劉生失所投不住泰山徂徠依
經年採掇不得飽正是新春癰瘡歸

明復先生
居泰山

久旱

風伯且須戢頭角放出龍喙万丈長
喙垂一尺雨一尺得雨万丈成豐穰

永伯仲淵在獄作九十二言傷之

吁嗟惡獸羣蹄踏麒麟如死麀
吁嗟惡鳥音啁噪鳳凰伏中林
我願爪牙如鋒鋦牙可噬兮爪可搏
直入深山驅虎狼護取麒麟好頭角
又願身生兩羽翼一夕長就

万丈長直入林中護鳳凰不使毛羽膚寸傷吾願雨未
遂中夜涕下沾衣裳

送進士高樞拱辰

韓門有李漢柳氏得晦之其道卒无患二子爲藩籬吾
才誠駑弱十年空孜孜韓闕與柳闕豈敢輒潛窺二氏
方肆行斯文已不衰手持万丈斧欲往斷其枝以次及
根柢使不復蕃滋高生吾之壻乃肯從吾爲示我文一
編言辭不葳蕤翅羽雖尙短已去磨尾箕氣力雖未全
已能搏蛟螭吾日覺老大韓柳難企斯吾子年始壯勇
若熊與羆李漢不足慕晦之當並馳

讀韓文

眇焉五帝上嘗觀二典辭煥乎三王間嘗觀二雅詩道
德既淳厚聲光何歲黜烈烈日精散閔閔雷聲施施焉
如飛龍潛焉如蟠螭祖述兼憲章後世唯吾師永言二
典往羣言或隳離亦旣二雅末六義多陵遲寥寥千餘
年顛危誰扶持揭揭韓先生雄雄周孔姿披榛啟其塗
與古相追馳沿波窮其源與道相濱涯三墳言其大十
翼暢其微先生書之辭包括無子遺春秋一王法曲禮
三千儀先生載於筆巨細咸羈縻楊墨乃淪胥曠然彰
其媿佛老亦顛隳茫然復於夷婉婉平蔡畫淮西獲以

依凌凌逐鱷文潮民蒙其禧心將元化合功與天地齊
洋洋治世音磊磊王化基悖之則幽厲順之則軒羲

新雕徂徠石先生文集卷第三終

徵後先生集卷之三

羊羊台世音謠謠王外基督文限幽鳳服文限
湖寶對澄靈文聯另寢其無亦洲示出合也與天此

新雕徂徠石先生文集卷第四

律詩

讀石安仁學士詩

寄雷澤張從道

竹書筒二首

訪田公不遇

勉蘇唐詢秀才

獵

大寒早行

遊靈泉山寺

至日早離張村

歲晏村居

病起吟殘菊

和馬寺丞秋日寄
明復先生

嶽色

宿村舍

和奉符知縣

馬寺丞捕蝗回有作

泰山

留守待制視學六首

寄趙庶明推官

寄沛縣梁子高

送張殿院還臺

山齋熟寢

田集賢書至因題書後

元均首登賢良科因寄

安道再登制科

送奉符監稅孟執中

借職

張文叔由臺簿改著作

寄君謨

寄元均

寄叔仁

寄題姜潛至之讀易堂

綿州路次水軒暫憩

左綿席上呈知郡

王虞部

嘉州寄左綿王虞郡

士廷評相會梓州

勉鄭師易秀才

送李堂伯升病歸

伯升病君逢遵道送歸

喜雨

留題敏夫隱居

訪竹谿呈孟節兼有懷熙道

招張洞明遠

攝相

寄孔中丞

送弟及之就彭門侍養

村居

燕支板浣花

賤寄合州徐文職方

御史臺

牒督光臺錢戲呈通判寺丞

送馮司理之任彭州

寄通判呂國博

褚遂良僕射

顏魯公太師

陽城諫議

袁高給事

温造御史

劉栖楚拾遺

讀五王傳

讀晉魯二公傳

李英公勣

漢成帝

文中子 二首

初過潼關值雨

雨晴復賦一絕

過温湯

初過大散關馬上作

過飛仙嶺 二首

峽中

劔門讀賈公疎詩石

赴嘉州得友人書 因答之

蜀道中念親有作

泥溪驛中作

柳池驛中作

訪栗園有感

村舍有姥八十餘出拜

讀石安仁學士詩

曼卿舊字安仁

齊梁無駿骨李杜得秋毫後世益纂組變風堪鬱陶奔
道少驥逸禿冗如牛毛試看安仁詠秋風有怒濤

寄雷澤張從道

不知有凍死一室心恬如臘盡妻未褐天寒子讀書澆
風與世薄古道于時疎事事皆同我憶君春草初

竹書筒 二首

截竹功何取爲筒妙可談長猶不盈尺青若出於藍浮
薄瓢皆去嶽崆節獨堪誰言但空洞自是貴包含虛受

殊招損多藏不類貪巾箱經謾五謗牘篋空三淚有湘
妃灑書疑禹穴探質曾冒霜雪價本擅東南隕籜遺輕
粉移根破凍嵐龍音終不死鳳實尙餘甘朴陋我爲貴
彫鏤彼合慙居常置几桼出或繫駢驂唱和友朋倦提
攜童僕諳純姿斥丹漆美幹敵榎枅其直如周道虛心
學老聃吾徒正得用詩筆戰方酣

又

達者創奇製霜圓斷竹尋蒼筤破雲色蕭瑟移風音徑
寸不爲短探幽乃覺深中間自空洞枝幹何嶽崱投恐
成龍去吹還作鳳吟稜稜人有節竅竅易無心儉朴他

難比提攜力易任絕姿古皇道虛受聖人襟或貯諫官
草多收女史箴筒兮用可貴吾不換南金

訪田公不遇

主人何處去門外草萋萋獨犬睡不吠幽禽閑自啼老
猿偷菓實稚子弄鋤犁日暮園林悄春風吹藥畦

蘇唐詢秀才晚學於予告歸以四韻勉之

憐我山中臥半年相伴吟道傳諸子後易得數爻深爨
或經年絕書猶盡日尋惜哉未終業親老忽沾襟

獵

騎士千人集綏旌四面張凝陰慘羣物殺氣結飛霜雉

守一節死兔緣三穴藏石慙羊質見狐歎虎威亡獸困
猶思鬪鴻驚不亂行唯當縱猛鷲盡使食貪狼意務除
田害誰言事外荒非熊得呂望祝網遇成湯近念魏知
古深思夏太康吾君戒馳騁績事合經常

大寒早行

萬動皆休迹五更獨鳴鞭星霜結淒色風霰過長川草
暖犬猶睡河冰馬不前城牆多有穴村屋半無煙餓虎
寒猶吼妖狐怪不眠山空亂猿叫樹折一雞顛幾處燠
爐炭何人坐有氈崎嶇轉行路凜冽逼窮年腳指兩箇
落衫裳百孔穿噓唏鼻纔潤僵直手難拳身固凍不死

志當窮且堅四方丈夫事誰爲淚潺湲

遊靈泉山寺

寺遠離朝市同遊並結幹堦垠盤石磴殿影落青冥地
勝松筠衆山名草藥靈洞門深數里檜樹壽千齡疑有
神仙衆甯容魑魅停年多養龍虎早已蟄雷霆石上生
苔蘚岩阿長茯苓晴雲出幽竇陰霧滑疎櫺露滴茶芽
潤煙蒸竹汗青餐霞充道味採朮驗丹經直擬陞高處
何妨陟絕陁遐觀際寥廓下視何羶腥自被利名染無
因肺腑醒晨興有桮牘夜坐守窓螢齷齪遵前訓兢兢
視此銘沉冥若籠鳥囚繫侶拘囹有願棲雲壑相隨步

翠垆平生山野性暫喜據梧暝

至日早離張村

北闕千官集南山萬壽長何人踐文石獨客踏寒霜指
凍只憂落馬羸時恐僵豐凶卜來歲猶喜喬雲黃

歲晏村居

歲晏有餘糧杯盤氣味長天寒酒腳落春近臙頭香菜
色青仍短茶芽嫩復黃此中得深趣真不羨膏粱

病起吟殘菊

病起重陽過東籬菊尙黃慙慙擷寒蘂子細嗅清香老
吏防閑蝶清油護曉霜叢邊強一酌聊不負秋光

和馬寺丞秋日寄明復先生

秋陰閉秋色何處動悲涼有叟傅巖隱明時潘鬢蒼殘
書幾篋燹寒菊半籬荒惟學春秋者時時到草堂

嶽色

春近滿魯分雨餘堆汶河濃雲映不盡殘照射來多高
與天臨縣閑臨月上坡特開西北戶愛此鬱嵯峩

宿村舍

明道癸酉歲

去去都城遠蕭蕭村落秋飢鴟啄死鹿鳴憤隨孳牛轉
徙多空屋荒榛有亂石狐狸競恐怖雀鼠仍啁啾鬼火
時明滅旋風乍卷收吾心不吐茹忠信待姦仇

和奉符知縣馬寺丞永伯捕蝗回有作

天道不可詰吾當責爾螟方今絕讒慝何故播臙腥野
草離離盡秋禾穗穗零知君恤民意鬢減數莖青

泰山

七百里魯望北瞻何巖巖諸山知峻極五嶽獨尊巖寰
宇登來小龜蒙視覺凡此爲羣物祖草木莫鋤芟

留守待制視學

六首

藝祖興王地諸侯布教宮冠纓臨曉集文雅與時隆泮
水差差綠春沂習習風袍輝子衿動旗映講紗紅節鉞
來門外聲容播國中分庭等威殺更僕宴談終亶亶聞

誼誨拳拳激懦衷武昌尊庾亮蜀郡樂文翁王化周南
始儒縫魯俗通四方觀表則後學發童蒙木鐸傳遺韻
緇衣纘舊功願公持此道黃閣弼清躬

其二

演道開談席觀文降使輶水寒芹葉薄春早杏陰繁喜
動青青佩親聞亶亶言孤生荷樂育終始託丘□

其三

盛府雍容外輕裘博雅存席間閑布帙鈴下晝無喧首
善隆儒術諸生接討論馬融南郡學齷齪豈堪言

其四

春早沂風暖，芹生泮水深。前旌拂講樹，垂佩耀童衿。郁
郁弥文化，循循善誘心。恭王不壞宅，金石有遺音。

其五

翼翼取則地，青青樂育篇。使輜臨學舍，台席俯談筵。韋
相傳經舊，文翁唱教先。諸生動觀歎，門外卓卿旃。

其六

泮水淥猶淺，春芹葉始敷。旌旗久停住，衿佩儼相趨。庾
亮親臨學，哀公不詬儒。茲爲表則地，風教自王都。

寄趙庶明推官

四十年來贊太平，君王耳畔管簫聲。定襄地域俄連震

萊牧男兒忽議兵
明日邊烽高百尺
同時御府出三旌
將軍請用多多算
能向當初見未萌

寄沛縣梁子高

南海怒蛟三尺角
埋藏水底嘆吟呻
明時直道難干祿
白首躬耕力養親
醉讀兵韜鬪龍豹
閑抽寶劔舞星辰
茅齋東是留侯廟
定有英靈還往頻

送張殿院還臺

老柏森森節貫冬
頭冠獬豸號清雄
側階簪筆書王法
當路埋輪有祖風
白簡剛嚴重入府
阜封切直舊留中
長安豪貴應相避
又識當年御史驄

徂徠山齋熟寢家童報征西府從事田集賢

元均

張著作

與文

趙推官

庶明

書至開緘讀

之因題書後

滿徑蓬蒿懶自鋤何人日午叩茅廬徂徠山下一枕睡
經畧府中三紙書兵謀貴勝縱橫出海鳥忘機飲啄餘
唯有淮夷雅宜作文章兼不讓當初

元均首登賢良科因寄

宏辭等甲賢良貴二美翩翩落手中

今之御試三題乃唐宏辭科也

虎

子得來山穴泣驪珠探去海濤空三千字獨陳當六

七人甘坐下風

試者十人

曾向當年競頭角直從此日決

雌雄

子與元均同年登進士科
禮部御前姓名昔相鄰

安道再登制科

雄辭磅礴壓羣英再戰戈矛銳更精裴度韜鈴無失律

武侯節制是神兵千人盡服徂丘議九合誰干小白盟

帝宋開基八十載連登科目獨為榮

送奉符監酒稅孟執中借職

蜀主之後

東西兩處各天涯去國還鄉喜又嗟鄒嶧山藏孟子宅

自言孟軻後

海棠花落蜀王家深知周道非彝酒可罪唐臣

乞稅茶三載此心無一事聞經絳帳日常斜

事退日就於明復先

道生問

嘉州讀邸報見張文叔由御史臺主簿改著

作佐郎依舊在臺

驚聞除日到遐荒病眼偏明喜倍常古節舊如臺柏直
青衫新惹閣雲香中廬夜宿羣經蠹北戶朝趨滿簡霜
主簿雖卑官漸緊近來應有諫書囊

予與元均永叔君謨同年登科永叔尋入館
閣元均今制策高第君謨後磨礪元均事業
獨予驚下因寄君謨

網羅當日得英雄文陣三人各立功海裏赤鯨疑有角
雲中騏驥欲追風尋聞館閣聲名出又見賢良大對通

我不從官君下第其間險易兩何如連雲棧外四千里
讀易堂中一帙書慈母含飴垂禿髮先生懷道接茅廬
莫將清淚頻頻灑蜀道之難欲上初

綿州路次水軒暫憩

□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
□□□□□□□□□□□□□□□□□□□□□□□□□□□□
成勞者歌

幾斗米牽歸未得空憐滿眼是煙蘿

左綿席上呈知郡王虞部

王與介前任
同在雒陽

何事相逢悲喜并倏然相別二周星王人鬢髮無多白
幕客襤衫依舊青目極同思故山斷涕危共在異鄉零

階前絲竹雖嘈雜不侶南湖湖上聽

濰陽南湖宴遊之所也

嘉州寄左綿王虞部

江山如畫望無窮
况屬昇平歲
屢豐萬樹芙蓉
秋色裏
千家礎杵月
明中斷霞半着燕
支木零露偏留筓
竹叢
只欠流杯曲水宴
風流未與左綿同

左綿新創流杯

士廷評相會梓州

道視荀楊雖未至
分於管鮑已知深
一千二百日離別
五十六驛外相尋
重欲同君注周易
且來共我聽胡琴
月留屋角不下去
侶與清風憐苦吟

鄭師易秀才詩奔騰道壯殆有石曼卿學士

風骨作四韻以勉之

曼卿續得少陵絃絃絕年來又一年驚起聽君諷新句
灑如開集味遺篇一家氣骨疑無偶萬丈光芒欲拂天
好向風騷尤着意他時三箇地詩仙

送李堂伯升病歸

經年吾圃採珠璣無限愁腸對落暉綠竹實疎鳳凰瘦
玉芝粒小麒麟饑不因芳草傷春哭正是東風感疾歸
只有文章滿君腹身雖癯瘠道全肥

伯升病君逢遵道送歸

朝來何事苦顰眉一客越吟三子歸河渚徘徊感春草

山齋寂寞背斜暉，知心古道誰相得。
洒淚東風自覺非，早到茅廬慰孤淡。
易爻重待共參微。

喜雨

學作昇平喜雨吟，東臯微破滿犁深。
已開萬乘焦勞慮，應解三公燮理心。
天捉乖龍鞭見血，雷驅和氣泄爲霖。
農夫隴上閑論價，一寸甘膏一寸金。

留題敏夫隱居

三迴到此尋逋客，杯案蕭疎氣味長。
山飯半甌橡子熟，春蔬一筴朮苗香。
四時泉石應無夏，滿谷雲霞別是鄉。
終待共君結鄰里，竹邊相並兩間房。

訪竹溪呈孟節兼有懷熙道

到頭泉石是吾家坐石聽泉日已斜
一片青衫非富貴
千竿綠竹好生涯君曾覽照頭皆雪我試看書眼亦花
便好結爲山伴侶教他夔益佐勛華

招張洞明遠

君言下第我西飛執手都門淚滿衣
萬里得歸頭半白
經年相別道應肥火鑽欲遍龜難死竹實猶多鳳不飢
慙到東山慰愁抱春秋之學說深微

攝相

惜無百里地封君攝相區區道屢伸
少正將身膏斧刃

侏儒流血汗車輪方令魯國知王法自此齊侯畏聖人
昔放四方誅二叔舜周功業始同倫

寄孔中丞

諫署崢嶸有舊名侯藩偃息政方成張綱昨日彈梁冀
文帝今朝召賈生古節未慙臺栢直仙風應對簡霜清
人言賤子叨知己試把塵冠一振纓

送弟及之就彭門侍養

城南車騎曉駸駸欲去重留酒屢斟惜爾浪浪辭我淚
感予切切戀親心庭闈最樂无妨學風月餘閑豈廢吟
別後不憂書信少但聞爲善是嘉音

村居

幽居一畝枕溪稜
堦下杉松纏古藤
常愛園林深侶隱
不嫌門戶冷如僧
麥宜過社猶催種
山近經秋卻懶登
已把壯心閑頓置
少年莫要苦相憎

人言燕支板浣花
牋寄合州徐文職方

合州太守鬢將絲
聞說歡情尚不衰
板與歌娘拍新調
牋供狎客寫芳辭
木成文理差差動
花映溪光瑟瑟奇

名得只從嘉郡樹

燕支木
嘉州出

樣傳仍自薛濤時

有薛濤牋

奇章

磊磊馳聲價江令
翩翩落酒卮
幾首詩成卷魚子

有魚子牋

誰人唱罷泣燕支
紅牙管好同床置
紫竹笙宜一處施

願助風流向罇席杏花況是未離披

司空圖有杏花辭
文頃在睢陽多命

唱之

御史臺牒督光臺錢牒云以憑石柱鐫名因

戲書呈通判寺丞景元

幕中久次無他術御內兼官帶憲司石柱鐫名誠侶是
豸冠加首竟何爲幾會執簡抨彈去空被光臺督責隨
一起鴛鴦夏雲漢應嗤燕雀守籓籬

送馮司理之任彭州

李白詩中蜀道難把詩試讀淚汎瀾江形詰曲千迴折
嶺路峻嶒萬屈盤登陟去年霄僅折追思今日鼻猶酸

子去年罷嘉州歸

此行君不同屯蹇五馬相知舊長官

彭牧與君常同

官

赴任嘉州待闕左綿七十日通判呂國博日

相從吟酌至嘉陽因成四韻寄之

鼎來豈敢道能詩一見何因便解頤鄉國三千里難別
杯盤七十日相知送人江外馬駝妓垂釣寺中魚竭池
別後中秋又重九與誰賞月詠東籬

顏魯公太師

唐家六世樹威恩外建藩翰遇不賓三十三州同陷賊

平原猶有一忠臣

又

聖賢道在惟顏子忠烈名存獨杲卿甘向賊庭守節死不羞吾子與吾兄

褚遂良僕射

先皇執手未多時受詔誠深誓不違終向君前還此笏
一身視死喜如歸

陽城諫議

衆口啞啞血噤牙獨將忠謇敵姦邪德宗若用延齡相
敢有陽城壞白麻

袁高給事

擲毫不肯草絲綸宰相逡巡命別人明日執迴盧杞制
始知唐室有忠臣

溫造御史

一言膽落折藩臣屈強何人敢恃勲闕下惟聞溫御史
蔡州自是李將軍

劉栖楚拾遺

此節甯甘剛則折平生不肯曲如鉤革囊裏血將何用
一汗龍墀始卽休

讀五王傳

賢聖用策甯相遠千載毫釐竟不差四皓當年安漢嗣

五王今日復唐家

讀晉魯二公傳

節侶魯公猶被陷忠如裴度亦遭讒上無明主姦邪勝
我讀遺篇淚滿衫

李英公勣

一言容易廢忠謀徇主從昏可自尤今日始知辜付託
當時齧指血空流

漢成帝

鬱鬱朱雲志不伸上方寶劍欲生塵空留折檻旌忠直
左右何嘗去佞臣

文中子 二首

龍蟄河汾道不行
訐謨經濟授諸生
由來房魏皆卿相
共輔文皇致太平

又

獨將禮樂付程仇
房杜無才闡大猷
可借唐家三百載
聲明文物愧宗周

初過潼關值雨

二十年來一華山
揚鞭西咲入秦川
浮雲何苦深遮閉
豈是三峯不好賢

雨晴復賦一絕

過關何事懶搖鞭
酷愛三峯落馬前
天氣清明新雨後
山光日色滿秦川

過溫湯

驪山山下水洋洋
一勺之多解破唐
敢告後人商鑑近
溫湯今日是唐湯

初過大散關馬上作

柰何山色牽吟思
旋被江聲破睡魔
吟思睡魔兩相戰
誰知馬上有干戈

過飛仙嶺 二首

入蜀牽吟景象濃
雲山萬疊與千重
癡巖頑壑無奇觀

不似飛仙數朶峯

又

御愛數峯非拔秀當時駐蹕欲忘還
飛仙急過無真賞
始信明皇不識山

峽中

路狹纔容飛鳥過山將生合柰山
何不知天外山長短
何事窺來一管多

劔門讀賈公疎詩石

劔門駐馬立脚踟躕讀盡新篇味
有餘關令多情兼好事
詩名留得賈公疎

予自南京留守推官循資爲掌書記由將仕
郎超階至朝奉郎得蜀嘉州友人相賀者因
答之

一循資走五千里四遇恩超十六階自顧非才已過分
誰言英俊尙沉埋

蜀道中念親有作

東望庭闈竟欲銷層層雲棧上峇巽江聲山色情多少
相伴西來慰寂寥

泥溪驛中作

嘉陵江自大散關與予相伴二
十餘程至泥溪背予去因有是
作

山驛蕭條酒倦傾嘉陵相背去無情臨流不忍輕相別
吟聽潺湲坐到明

柳池驛中作

二十二餘程鳥道一千一百里江聲江聲聽盡行未盡
西去出山猶七程

至羅江
出山

訪栗園有感

遊困歸來訪栗園栗園樹老再生孫莫驚頭上見白髮
拾栗兒童長幾番

離郟州至壽張南村舍中有姥八十餘出拜
老姥龍鍾八十三猶能指點認青衫自言老婦嘗蒙惠

白首相將出戶叅

新雕徂徠石先生文集卷第四終